

SIARAN MEDIA

MSM JOHOR SASAR MENJADI PUSAT PENAPISAN GULA BERTARAF DUNIA

Program pemulihan teknikal selesai, sedia untuk pengeluaran yang lebih tinggi, kepelbagaian produk dan tenaga hijau

PASIR GUDANG, MEI 22, 2023 – MSM Sugar Refinery (Johor) Sdn Bhd (MSM Johor), anak syarikat milik penuh MSM Malaysia Holdings Berhad (MSM) melaporkan hari ini bahawa ia telah menyelesaikan kerja-kerja penukaran dandang kedua untuk kebolehpercayaan dan ketersediaan kilang penapisan yang mampan. MSM Johor akan mempunyai keupayaan tanpa halangan untuk menghasilkan pada kapasiti pengeluaran reka bentuk yang efektif iaitu sebanyak 1 juta tan setahun.

Kerja dan prosedur telah diperakui mematuhi sepenuhnya keperluan dan dasar standard industri, terutamanya berkaitan dengan keselamatan dan kualiti. Semua kelulusan yang diperlukan daripada pihak berkuasa dan badan kawal selia telah diperolehi, hasilnya dua dandang boleh beroperasi secara sah tanpa sebarang larangan daripada Jabatan Keselamatan dan Kesihatan Pekerjaan Johor (JKKP Johor). Dengan selesainya kerja-kerja pembetulan dandang kedua, MSM Johor dijangka mencapai kadar faktor penggunaan (UF) minimum 50 peratus sebagai sasaran jangka terdekat dengan peningkatan permintaan pasaran tempatan termasuk varieti tambahan dan eksport.

Ketua Pegawai Eksekutif Kumpulan MSM, Syed Feizal Syed Mohammad berkata, “Untuk mitigasi tambahan, MSM Johor berada dalam fasa awal perolehan dandang ketiga untuk mengukuhkan lagi kemampuan operasi. Program penambahbaikan yang dirancang itu bertujuan bukan sahaja meningkatkan UF tetapi juga selari dengan visi MSM Johor untuk menjadi pusat penapisan gula bertaraf dunia. Terdapat peluang yang besar untuk mengembangkan eksport dengan pasaran lebih 4.0 juta tan setahun di Asia Pasifik di mana MSM Johor mempunyai kelebihan geo-strategik dalam rantai bekalan runcit dan industri. Syer pasaran eksport MSM di rantau Asia-Pasifik (APAC) untuk 2022 adalah sekitar 6 peratus dengan Vietnam, Kepulauan Pasifik, Singapura, Korea dan Pakistan menjadi antara destinasi eksport utama. MSM berhasrat untuk mengembangkan lagi jejak eksport antara 12-15 peratus dalam tempoh terdekat. Harga gula global telah meningkat disebabkan kebimbangan keterjaminan makanan dan permintaan global mengatasi pengeluaran. Daya tarikan pasaran eksport akan merangsang jumlah MSM ke China, Filipina dan Indonesia.”



“Sejak 1964, MSM telah mengukuhkan kedudukannya sebagai kilang penapisan gula negara yang terkemuka, menyediakan produk gula bertapis berkualiti tinggi untuk memastikan keterjaminan makanan Malaysia. Selama bertahun-tahun, kami telah membangunkan asas yang kukuh dan terus memperhalusi model perniagaan kami untuk meningkatkan kecekapan pengeluaran, kapasiti dan kemampunan. Antara rancangan masa depan MSM Johor adalah untuk menggabungkan inisiatif tenaga hijau seperti biomass daripada tandan buah kosong kelapa sawit dan produk nilai tambah,” jelas Syed Feizal.

“Disokong oleh visi kepimpinan ekonomi kerajaan baharu MSM menantikan realisasi tenaga hijau sambil mengurangkan kebergantungan bahan api fosil. Mengenai keterjaminan gula mentah, MSM sedang meneroka sokongan melalui penanaman hulu tebu di bawah inisiatif berskala besar yang dipacu oleh ramai pekebun kecil yang ingin meningkatkan hasil sosio-ekonomi. Rancangan masih dalam fasa awal,” tambah Syed Feizal.

Sebagai pengeluar gula terbesar di negara ini, MSM akan terus menyediakan keterjaminan makanan kepada negara di tengah-tengah pelbagai cabaran kos input yang tinggi terutamanya gula mentah, pengangkutan dan gas asli.

-TAMAT-

Maklumat MSM Malaysia Holdings Berhad (MSM)

MSM Malaysia Holdings Berhad (MSM) ialah pengeluar gula bertapis terkemuka Malaysia dan salah satu syarikat penapis gula terbesar di Asia. MSM terlibat dalam pengeluaran, pemasaran dan penjualan produk gula bertapis di bawah jenama “Gula Prai”. Syarikat ini menjalankan perniagaan terutamanya melalui dua anak syarikatnya, MSM Prai Berhad dan MSM Sugar Refinery (Johor) Sdn Bhd. Di samping itu, MSM juga mengendalikan sebuah syarikat logistik – MSM Logistics Sdn Bhd.

Pada masa ini, kapasiti pengeluaran tahunan MSM mencecah 2.05 juta tan gula bertapis. Pada tahun 2022, MSM mengeluarkan sebanyak 946,834 tan gula bertapis, di mana 230,903 tan adalah untuk pasaran eksport. Ketika ini, MSM menguasai sehingga 60% syer pasaran domestik. MSM telah disenaraikan di Pasaran Utama Bursa Malaysia sejak 2011 dan mempunyai modal pasaran sebanyak RM598 juta setakat 30 Disember 2022. MSM menggabungkan kejayaan ekonomi bersama perlindungan alam sekitar dan tanggungjawab sosial untuk masa depan yang mampan.

MSM menawarkan pelbagai rangkaian produk daripada gula bertapis putih pelbagai saiz sehinggalah ke gula perang halus. Kesemua produk ini telah dipasarkan dan dijual di dalam pelbagai bentuk pilihan pembungkusan di bawah jenama “Gula Prai”. MSM juga turut menjual ‘molasses’ sejenis produk sampingan yang dihasilkan menerusi proses penapisan gula hingga ke produk penyulingan dan penghasilan etanol, makanan haiwan dan yis antara lain-lain produknya. Selain daripada produk pengguna isi rumah, MSM menjual kepada pelbagai pelanggan di Malaysia dan juga negara-negara lain secara langsung dan tidak langsung melalui pedagang, pemborong dan pengedar. Para pelanggan termasuklah syarikat-syarikat besar dalam industri minuman dan makanan, hotel, restoran dan rangkaian kedai-kedai makanan.

Untuk maklumat lanjut, sila layari www.msmsugar.com

Pernyataan Berpandangan Ke Hadapan

Beberapa pernyataan dalam laporan ini mengenai operasi MSM adalah berbentuk pernyataan yang berpandangan ke hadapan. Pernyataan ini boleh dikenal pasti dengan kata-kata kunci seperti “percaya”, “menganggarkan”, “mengharapkan”, “menjangka”, “berhasrat”, “mungkin”, “akan”, “merancang”, “prospek” dan perkataan lain yang mempunyai maksud yang berkaitan dengan perbincangan mengenai prestasi operasi atau kewangan masa hadapan. Pernyataan ini berkaitan dengan rancangan, objektif, matlamat, strategi, operasi dan prestasi masa hadapan MSM. Keputusan dan hasil sebenarnya mungkin berbeza daripada yang diunjurkan dalam mana-mana pernyataan yang berpandangan ke hadapan disebabkan oleh pelbagai peristiwa, risiko, ketidakpastian dan faktor lain yang terlibat. Kami tidak berhasrat atau tidak menanggung apa-apa obligasi untuk mengemas kini atau meminda mana-mana pernyataan yang berpandangan ke hadapan, sama ada disebabkan oleh maklumat baharu, peristiwa masa hadapan atau sebaliknya.



Untuk pertanyaan media sila hubungi:

Siti Noorbaya Mohd Yunus

+603 2181 5018 ext. 158

+6016 677 6118

noorbaya.my@msmsugar.com

Syahidah Ismail

+603 2181 5018 ext. 154

+6019 225 9705

syahidah.i@msmsugar.com